



Inatsisartunut ilaasortaq,
Peter Olsen, Inuit Ataqtigiit
/Maani

**Dundas Titaniumimit iluaquteqarnissamik qinnuteqaammut maannakut
killiffimmut tunngatillugu § 37-mut tunngasutut apeqqutinik nr.
2019/224-miittunik akissutit**

Sags nr. 2019 - 14287
Dato: 12/07/19

Asasara Peter Olsen.

Postboks 930
3900 Nuuk
Tlf. (+299) 34 68 00
E-mail: asn@nanoq.gl
www.govmin.gl

Inatsisartut Suleriaasianni § 37 naapertorlugu apeqqutit matuma kinguliani
allassimasut Naalakkersuisunut saqqummiuppatit, taakkualu matumani
akissuteqarfigineqarput.

- 1. Moriusap eqqaani Mineralimik Ilmenit-mik piaanissaq qaqugu
aallartinnissaa naatsorsuutigineqarpa? Aamma piaanissamut
tunngatillugu Naalakkersuisut qanoq naatsorsuuteqarpat?
Ukiumut qassi tons qallorneqassava?**

Akissut:

Maanna pisinnaatitsissummik pigisaqartoq misissuinissamut
akuersissummik ataatsimik peqarpoq.

Pisinnaatitsissummik piginnittumit iluaquteqarnissaq pillugu
qinnuteqaammik Naalakkersuisut suli tigusaqarsimanngillat.
Piaasoqalersinnaanngilaq pisinnaatitsissummik piginnittoq aatsaat
piaanissamut akuersissummik peqalerpat.

Piiagassat annertussusaat paasineqarsinnaavoq, aatsaat suliniummut
akilersinnaassutsimik misissuineq akuerisaareerpat. Suliniummut SIA-mi
ukiumoortumik tunisassiornissamut pisinnaatitsissummik piginnittup
nammineq missiliuutigisaa linkimi tullinnguuttukkut
nassaarineqarsinnaavoq: [www.titanium.gl/projects/dundas-ilmenite-
project/](http://www.titanium.gl/projects/dundas-ilmenite-project/)

- 2. Minerali ilmenit tonsimut qanoq naleqarpa?**

Akissut:

Soorlu kultimut kanngussammullu atatillugu niivernerimi aalajangersimasumik akeqartoq, ilmenittimut atatillugu niuffaffimmi akimik aalajangersimasumik peqanngilaq. Ilmenittip nalinga aatsitassap atortussiassap katitigaanerani pitsaassusaanillu aalajangerneqartarpoq. Ilmenitsip akuiakkap 1 tons-iusup nalinga aatsaat nalilersorneqarsinnaavoq ilmenitsimit mineralimit akuiakkamit titaniumimik piiaanissamut pisarialittut ingerlatassamik pisinnaatitsissummik piginnittoq aalajangeereerpat, ilanngullugit aatsitassamit atortussiassamit misileraassutsit assigiinngitsut titaniuminillu nioqutissiat suliat assigiinngitsut ingerlanerini saqqummertut ingerlanneqareerpat.

3. Nunatta karsiata ukiumut qanoq annertutigisumik isertitsissutigisinaaneraa pillugu Naalakkersuisut qanoq naatsersuuteqarpat?

Akissut:

Suliniimmit akilersinnaassutsimik misissuineq Naalakkersuisunit akuersissutigineqareerpat, Nunatta Karsianut suliniimmit isertitassatut naatsorsuutigisat aatsaat nalilersorneqarsinnaapput.

4. Nunatta isertitaqarluarnissaa iluanaaruteqarnissaalu qulakkeerniarlugu, Naalakkersuit tamatumunnga atatillugu qanoq pilersaaruteqarpat?

Akissut:

Soorlu apeqqummi 3-mi akissummi eqqaaneqartoq, akilersinnaassutsimik misissuineq akuersissutigineqareerpat Nunatta Karsianut isertitat aatsaat nalilersorneqarsinnaapput. Taamaattorli inunnit ataasiakkaanit akileraarutit, ingerlatsiviit akileraarutaat, royalty-llu Nunatta Karsianut iseritsissutaanissaasa qularnaarinissaat Naalakkersuisut naatsorsuutigaat. Tamakku saniatigut ilaatigut suliffeqarfiit nutaat, nunatsinni pilersuisooqataasunut suliassat piginnaanngorsaanerillu aqutigalugit toqqaannartumik suliniut aamma isertitanik qularnaarissaaq.

5. IBA-mut aammalu Royalties-inullu tunngatillugu Naalakkersuisut isumaqatigiissuteqareerpat? Naamiuppat qaqugu tamanna isumaqatigiissusiorfiussava?

Akissut:

Naagga – IBA aamma royalty pillugit isumaqatigiisummik
atsioqatigiittoqarnikuunngilaq. Isumaqatiginninniarnert suli
aallartinneqanngillat, aatsaallu pisinnaatitsissummik piginnittup
iluaquteqarnissamut qinnuteqaat nassiutereerpagu
ingerlanneqalerumaarput.

Inussiarnersumik inuulluaqqusillunga



Erik Jensen